



اوه شيواں جیناں دے بارے وچ تہانوں پتا ہونا چاہیدا اے رہائش گاہ وچ جذباتی معاونت فراہم کرن آلی پالتو جانور

5

1 جذباتی معاونت فراہم کرن آلا پالتو جانور (ESA) انج دا جانور اے جیہڑا کیسے بندے دی معذوری دی گھٹو گھٹ اک علامت نوں بہتر بنان وچ کردار ادا کردا اے۔ ESA سروس یا رہنمائی کرن آلی جانور توں وکھ ہوندا اے؛ سروس یا رہنمائی کرن آلی جانور دے الٹ، ESAs اپنے مالک دی معذوری توں متعلقہ مخصوص کم انجام دین لئی انفرادی طور تے تربیت یافتہ نہیں ہوندے۔

2 رہائش فراہم کنندہ توں اوس ویلے جانور دے نظم توں متعلقہ اپنیاں پالیسیاں وچ ترمیم کرن یا استثنیٰ فراہم کرن دی مانگ کیتی جاندی اے جدوں معذوری دا شکار کیسے بندے دے مکمل طور تے رہائش گاہ نوں ورتن لے اوہدے توں فیدہ چکن لئی انج کرن دی لوڑ ہووے۔ ایسا مطلب اے کہ رہائش فراہم کنندہ نوں "پالتو جانور" تے پابندی دی پالیسی وچ استثنیٰ فراہم کرن دی لوڑ ہو سکدی اے تاں جے معذوری دے شکار کیسے کرائے دار نوں جذباتی معاونت فراہم کرن آلا جانور (ESA) رکھن دی اجازت دتی جاوے۔ پر سروس یا رہنمائی فراہم کرن آلی جانور دے الٹ، ESAs خودکار طور تے رہائش فراہم کنندہ دی پالتو جانور تے پابندی دی پالیسی توں مستثنیٰ نہیں ہوندے۔

3 جے تسی انج دی عمارت وچ رہندے او یا منتقل ہون لگے او جتھے پالتو جانور تے پابندی دی پالیسی لاگو اے، تے تسی اپنے ESA لئی موزوں بندوبست دی درخواست کر سکدے او۔ جے تہاڈی معذوری لے ESA لئی معذوری توں متعلقہ لوڑ واضح یا دوجی صورت وچ معلوم نہیں اے، تے تہاڈا رہائش فراہم کنندہ تہاڈا علاج کرن آلی نگہداشت صحت دے پیشہ ور ماہر ولوں انج دیاں قابل بھروسہ دستاویزاں دی مانگ کر سکدا اے جیہڑیاں ایہہ ظاہر کردیاں ہون کہ تسی معذوری دا شکار او لے ایہہ کہ تہانوں ESA دی لوڑ اے۔ تہاڈا رہائش فراہم کنندہ ایہہ مانگ نہیں کر سکدا کہ تہاڈی درخواست تحریری شکل وچ ہووے یا ایہہ کہ تسی کیسے مخصوص فارمیٹ وچ دستاویزاں جمع کراؤ۔ انٹرنیٹ توں حاصل ہون آلیاں دستاویزاں جیہڑیاں کیسے علاج کرن آلی نگہداشت صحت دے پیشہ ور ماہر ولوں نہ ہون اوہ عام کر ESA دی لوڑ دی تائید کرن لئی موزوں طور تے قابل بھروسہ نہیں ہون گئیاں۔

4 تہاڈے رہائش فراہم کنندہ تے تہاڈی درخواست دا انفرادی جائزہ لینا لازمی اے لے جے ESA دی اجازت دینا اوہدے لئی اپنیاں عملی کارروائیاں انجام دین پاروں نامناسب بہار دا کارن بنے تے اوہ ایس صورت وچ تہاڈی درخواست مسترد کر سکدا اے۔ انکوآری پوری طرح حقیقتاں تے مبنی ہوندی اے لے ایس گل تے غور کیتا جاندا اے آیا تہانوں ESA رکھن دی اجازت دی فراہمی بنیادی طور تے رہائش فراہم کنندہ دیاں عملی کارروائیاں نوں تبدیل کرے گی یا رہائش فراہم کنندہ تے نامناسب مالی یا انتظامی بہار عائد کرے گی۔

5 تہاڈا رہائش فراہم کنندہ تہانوں ESA رکھنے دی اجازت دین دے بدلے، تہاڈے توں اضافی سکیورٹی فیس یا پالتو جانور دی فیس، یا اضافی کرائے داری انشورنس حاصل کرن دی مانگ نہیں کر سکدا۔ پر، تہاڈا رہائش فراہم کنندہ تہاڈے توں جانور دے کارن ہون آلی کیسے وی اصل نقصان دی ادائیگی کرن دی مانگ کر سکدا اے۔

ہور جانن یا شکایت درج کرن لئی، NJCivilRights.gov تے جاؤ یا 973-648-2700 تے کال کرو



NJ دفتر برائے اٹارنی جنرل

NJCivilRights.gov



LAD دیاں خلاف ورزیاں دے خلاف رپورٹ کرن، امتیازی سلوک دی شکایت درج کروان، یا LAD دے بیٹھا ہور حقاں تے عمل درآمد کرن لے کوئی وی شخص تہاڈے خلاف انتقامی کارروائی نہیں کر سکدا۔ DCR LAD دا نفاذ کردا اے، جیہڑا NJ وچ موجود سارے لوکاں دی اوہناں دے امیگریشن اسٹیٹس نوں بہت تے حفاظت کردا اے۔ ہور جانن لئی، www.nj.gov کلک کرو۔